

Marley, 5j.



suechet äs nöiis Daheime mit Freigang im gsicherete Garte

Liebi Tierfründe

Bisch DU das? Min nöie Mönsch? Nach Dir suech ig! Ah so, exgüsi, ig bi dr Marley u uf dr Suechi nach eme nöie Daheime. Warum? Auso ig ha fruchener nid so gueti Erfahrig mit chliini Ching gmacht u itze het mini Ferieverträtig ou no chliini Ching. Schtresset mi eifach nur no. U es bierebitzeli Iifersucht chömmt ou no derzue. U usse chan ig ou nid, nur Wintergarte reicht mir nüm. Churz: ig protesctiere immer mou wiedr u bisle danäbe. Macht mer nid, ig weiss es, abr ig muess es doch säge, dass es mir nüm passt, odrr? Drum!

Ig bi 5jährig, en ächte Toyger, ufm Papier, abr so gar nid Toyger-typisch, kaschtriert, gimpft, chipped, gsung u (sunsch) schtuberein. Ig mag: gärn säubschtändig entscheide, was u wen ig mag, schmüsele, wann ig es mag, bürschtele, näbe Dir fernseh luege u a dr Leine Gassi gah. Du siehsch es: ig bi e richtige Charakterkatr. Abr e ganz en Liebr. Sy säge, ig sei intelligent. Bin ig ou, ig würd gärn gforderet u bschäftiget wärde, villiicht Clickrtraining mache odr Chunschtschtückli lehre. Das wär tou u laschtet mis Hirni ous!

S'wär tou, öpper z'finge, der wo oft daheime isch u mit mir üebe tuet. Denn wenn ig wott, natürlech! Ching, wie gseit, möcht ig nid daheime, ou chei Hung odr e angeri Chatz. Ig wär so gärn Alleiprinz bi Dir. U ig wünsche mir Freigang i eme gsicherete Garte, nid nur Baukon, Gras unger di Pfote u Chäferli beobachte, u es bitzeli uustobe. Ok, ig bi eigentlich en Schiishaas, u doch nöiigiirig, abr aues Ubechannts macht mir erscht mou Angscht, drum e gsicherete Garte. Sichr isch sichr! Chönntisch Du mir so öppis biete? U suechsch Du en ächte Toyger, der so gar nid Toyger-mässig ticke tuet? En Charakter-Toyger? U hesch Du viu Ziit u Luscht, Dich mit mir z'bschäftige? Das wär's, denn müeset mir üs unbedingt lehre chenne. Ig wohne derziit no z'Eiken/AG, züggle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöie Plätzli. Ig fröie mi scho uf Din, äh wout säge, baud MIN, Garte!

Din Marley



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch